

Chè Paran/Gadyen,

Objektif lèt sa a se pou enfòmasyon w elèv ou a pral pran sou òdinatè egzamen redaksyon “Benchmarks for Excellent Student Thinking (B.E.S.T.)” (Referans pou Meyè Fason Elèv Reflechi) pou klas 9 & 10 ane nan dat April 3, 2024. Egzamen ekri ‘B.E.S.T.’ la se yon tès ki fèt nan yon sesyon 120 minit, e elèv yo ka travay pou jiska mwatye yon jounen lekòl nòmal.

Si ou menm oswa pitit ou a ta renmen revize egzamen pratik sou òdinatè a lakay nou, n ap jwenn modèl repons pou egzamen pratik la nan <https://fsassessments.org/families.html>.

Tanpri revize règleman sa yo ansanm ak elèv ou a anvan egzamen an:

- **Aparèy Elektwonik**—Elèv yo pa gen dwa genyen okenn aparèy elektwonik, ki gen ladan, men ki pa limite ak, telefòn selilè, esmatfòn epi smartwatches, nenpòt kilè pandan tès la oubyen pandan tan repo (pa egzanp, nan twalèt yo), **menm si aparèy yo etenn oswa elèv yo pa sèvi ak yo**. Si yo jwenn elèv ou a ak yon aparèy elektwonik oswa yo jwenn li ap sèvi ak Bluetooth/ekoutè san fil/earbuds pandan tès li a, tès li a ap anile.
- **Akize Resepsyon Règ Tès yo**—Tout tès yo gen ladan yo yon akize resepsyon règ ki di: “Mwen konprann yo te li règ tès yo pou mwen. Si mwen pa swiv règ sa yo, nòt egzamen mwen an ka anile.” Anvan tès la, administratè tès yo li règ yo bay elèv yo, epi elèv yo rekonèt yo konprann règ tès yo lè yo klike sou ti bwat ki nan navigatè sekirize a ki endike yo konprann règ tès yo.
- **Diskite sou Kontni** Tès an apre tès la—Yo li dènye pòsyon règ egzamen yo bay elèv yo anvan yo klike sou ti bwat la pou aksepte Akize Resepsyon Règ Tès Eta yo paske kontni tout evalyasyon atravè tout Eta a sekirize, elèv yo pa ka diskite sou detay ki revele sou kontni tès la (ki gen ladan atik ak pasaj tès la) apre tès la. Sa gen ladan nenpòt kalite kominikasyon elektwonik, tankou voye tèks mesaj, voye imèl, poste sou medya sosyal, oswa pataje sou entènèt. Tanpri asire w elèv ou a konprann règleman sa a anvan tès la epi fè yo sonje “diskite” kontni tès la gen ladan nenpòt kalite kominikasyon elektwonik, tankou voye tèks mesaj, voye imèl, poste sou medya sosyal, oswa pataje sou entènèt. **Byenke elèv yo pa ka pataje enfòmasyon sou kontni tès sekirize a apre tès la, règleman sa pa gen entansyon anpeche elèv yo diskite sou eksperyans tès yo ak paran/fanmi yo.**
- **Travay Poukont yo**—Elèv yo responsab pou yo fè pwòp travay yo pandan tès la epi pou yo pwoteje repons yo pou lòt moun pa wè yo. Si yo bare elèv yo ap triche pandan tès yo, y ap anile tès yo a.
- **Kite Kanpis la**—Si elèv ou a kite lakou lekòl la anvan li fini yon tès (pa egzanp, pou manje midi, yon randevou), li **pa gen** dwa retounen nan tès sa a. Si elèv ou a pa santi l byen nan jou tès la, li kapab pi bon pou li rete tann epi fè tès la nan yon jou ratrapaj. Tanpri sonje pa pran randevou nan jou tès yo.
- **Rive an Reta**—Si elèv ou a rive anreta nan lekòl la epi tès pou jounen an gentan kòmanse, administrasyon lekòl la ap detèmine yon kote ki an sekirite pou elèv ou a rete tann jiskaske yo kapab rejwenn klas yo epi fini tès yo. Lè sa a, elèv ou a ap gen opòtinite pou fè tès la yon jou apre nan fenèt tan tès Eta a.
- **Aranjman nan Tès**—Si elèv ou a gen yon Plan Edikasyon Endividyèl (Individual Education Plan, IEP), yon Plan Seksyon 504, oswa se yon Elèv k ap Aprann Lang Anglè (English Language Learner, ELL) oswa yon ELL ki fèk soti, tanpri kontakte lekòl la pou diskite sou aranjman nan tès yo yo pral bay elèv ou a.

Si w gen nenpòt kesyon ki gen rapò ak administrasyon egzamen sa a, ou ka kontakte Kristie Crews nan 239-491-6822. Pou plis enfòmasyon konsènan pwogram Evalyasyon nan Eta Florid, silvouple vizite pòtal la nan FLFAST.org.

Mèsi dèske w sipòte e ankouraje elèv ou a pou li fè maksimòm efò pandan evalyasyon yo.

Sensèman,

Dr. Joseph Torregrasso